

英陽南氏族譜序

聖人治天下必貴宗族宗者爲先祖主也人所專也族者湊也聚也有會聚之道故謂之族古者貴宗族而未有譜也今譜之者上而遠者恐其或失也旁而疎者恐其或遺也不失不遺則人道厚矣經父之服爲斬衰祖齊衰不杖朞曾祖齊衰五月高祖三月於同祖同曾祖同高祖亦以月數殺之有上治者有旁治者余觀於四宗五服之圖而知圖爲譜之本譜爲圖之推也宗子有事於廟則會同姓於堂下賓取醵酬長兄弟於阼階長兄弟酬衆賓於西階左爲昭而右爲穆也是旅酬之禮有譜之義焉其爲冢也畫其兆而定其位父居於上子居於下衆子衆孫各從其所出而祔之雖百世其倫不亂也是邱封之制有譜之法焉余嘗謂自宗法廢先王尊祖敬宗收族之意僅有存者惟譜爲焉於乎不綦重哉蓋氏族之學莫盛於晉唐凡官人選舉稽譜牒庶姓具藏有司路敬

淳蕭穎士之流尤以譜學著而近俗專門從事者闕如鄉曲衰族
於四宗以上五服以外不詳其世次名諱者有之不但旅酬邱封
之不講而已可慨也已英陽之譜重刊行世者幾八十年久而不
修今諸宗相義澆梓爲若干卷得姓分籍之載於舊序者今不復
贅只書其尊祖敬宗收族爲譜之始者俾諸宗有所勸焉周禮小
宗伯掌三族之別以辨親疎又以八刑糾萬民三曰不睦之刑族
有親有疎疎而益睦者爲難誠使今之世類講譜牒之學不徒以
門第高人而知親之睦之之義則其有補於世道者豈尠乎哉
崇禎紀元後三辛未孟秋後孫崇政大行吏曹判書兼判義禁
府事弘文館大提學藝文館大提學知 經筵春秋館成均館事
奎章閣提學公轍序

英宜之不能合譜已載藥泉舊序而至今爲宗中欠闕之事甚
可嗟惜今於英譜重刊也宗人一運甫來請弁首之文年前余

作宜寧譜序改其中略于字以送之譜雖不合序則相同足以慰後人之心也公轍又書

庚午合譜序

純廟庚午

古者立宗以合族小宗合三從之親大宗合百世之族皆所以勸孝悌也孝悌之道始於父兄推於宗族及於天下故古之善治天下者必以親九族爲先使天下之族隨大小而合於其宗其所合之大小各因其勢之所及耳豈孝悌相親之心有淺深而然哉三代以後鄉無世家宗法廢而族不合族不合而孝悌之俗衰矣昔蘇長公陳勸親睦之策而請行小宗之法今士大夫皆得以祭高祖則不可謂無小宗矣惟大宗之法行然後合族之道極其大而且可以咸囿於孝悌之俗今縱不能復三代之古而作譜以合族殆太宗之遺意乎古之族從不遷之祖而合今之族從得姓之祖而合忠厚親愛不敢比擬三代而規模則大矣吾南氏自英毅公始

而蔓延於東方歷累百年而至大匡公密直公固城君世傳以爲兄弟密直公有二子長衛尉公次宜寧君宜寧固城之分貫始此獨大匡公後及衛尉公後仍貫英陽然其實皆本英陽一本之內各立門戶非合族之大規模也吾宗先父老慨然乎是欲成南氏全譜未果寧海之丁未譜安東之壬辰譜乙酉譜皆出於博雅君子之手破數十世昭穆之疑而成一家之信史蓋精詳則至矣而語其規模之大則俱有感焉於是吾宗老範龜氏景烈氏倡合族之議思以繼述先父老遺意而今年新譜作大匡公後始與衛尉公後合合者何親之也親親之義可施於衛尉公後則衛尉公兄弟之後有辨乎是宜寧之宗不合而自合宜寧合則固城無以異又安知繼此而不有以推而大之合三宗爲一譜乎凡人之情因所見而感發墟墓之哀宗廟之敬是也今英毅公在卷首萬子孫森列乎一部書儼然若合堂同席於一家之中見此而豈無油然而

之發乎吾父在是以事父之心上及於百世之祖吾兄在是以事
兄之心旁推於百世之族是爲勸孝悌也同譜之人以是相期世
守勿替則雖古大宗之法何以加此譜之作也始終賢勞者正極
氏景運漢龜甫而景義無尺寸之裨諸賢要以文字相其役不敢
以拙辭而竊惟合族之意無有大於孟子所謂堯舜之道故論列
以示法凡我後人其各知所勸也哉龍集重光協洽仲秋下浣後
孫通訓大夫行司諫院正言景義序

英陽南氏

合譜新刊

圖

始祖諱敏

侗

翼

洪輔

子謙

子淑孫

子之卓

子堯

子元漢

子得貴

後孫君甫

固城君

後孫君甫

密直副使

後孫洪輔

重大匡

子奕

子承敬

子顛

子承吉

子有蕃

子承顧

子有蕃

始祖以下至大匡密直以上該可四百餘年而只傳三世是固可疑且未知世代之次故只書諱不書子字

庚午合譜後序

惟吾英陽南氏之譜實自吾六世祖懶齊公始其上世之或有而

不傳或本無皆未可知也蓋南氏有三貫曰英陽也曰宜寧也曰固城也貫雖不同而其以英毅公爲肇祖則皆同夫以同祖之孫派分支別至於異貫而各譜有若兩三姓然者已非收宗合族之義而況年代綿邈文獻無徵各以見聞修錄譜系至或昭穆倒置系序易次者亦有之茲豈非吾宗之所共深慨者乎肆惟我懶齋公有憂於斯蓋嘗極意蒐輯裒成一帙其後伊溪龍澗二公相繼而修述之至判書公壙記及洪武帳籍出則雖不能連繼於英毅公而自密直公以下昭穆世次不啻較然明甚因之以壬辰譜成又繼之而乙酉譜修於是而數十世疑案自破一副當明證的然而猶守株前見雖知其非是而終不能徵信往迹以求是正此則已無可如何至若大匡公後旣同貫英陽而其年代世系徵諸金石又有明的考據者存如監察司正二公誌銘及守約堂公丁未譜是也以故中間累有合譜之議而竟未諧雖出重事之意而亦

非敦宗之道尋常慨恨於中者久矣今年春兩派子孫遂決意合譜工役已始而要余識其顛末於卷端余惟此舉實前人之所擬議而未遂者而乃遂之於今日實吾宗之一大幸事雖然所貴乎合譜者以其合族也所貴乎合族者以其敦倫也合族故譜系明敦倫故風俗厚其所係顧不重歟苟使徒知合譜而不知所以合族敦倫之道則尙何合譜之爲貴今幸而合譜而合族矣益思所以敦倫之道知萬流之同出於一源千枝之皆根於一本恩義流通於親疎情禮導達於宗支不至爲路人之歸則惟此一部譜牒安知不爲風化之羽翼而不但止於合族之具而已耶所可恨者獨宜固兩宗猶在異譜中使繼此而有博達公平之見因就三宗而刪謬取正合成一大譜使各派祖先德業之盛子孫繁衍之美瞭然可盡於一開卷之間則豈不是幸之又幸而未可易而得是可歎也始事於二月之望未周年而工役告訖何其成之速也實

由任事諸賢之勤且勞也顧此湍劣衰病昏謬何敢屬辭此事以犯不韙之罪第念祖先連世編輯之意諸宗修述合譜之舉實所欽賞不能奔走於執事之列以效區區之忱則以一言托名於卷末是亦一事茲敢不揆僭妄謹奉諸宗氏之命爲之說如右云爾
辛未十一月日後孫範龜謹識

合譜後識

譜者一家之春秋也春秋有大一統一者何數之宗也統者何總而合也天王爲宗子而天下萬國皆我族類支庶四海一家中國一人故聖人勸懲之筆必先揭夫一統使之總合而歸一一統揭則義例明矣大則天下小則一家國有乘家有譜譜而不法春秋非全譜也古者譜法昉自周禮小宗伯而史遷述帝系及自叙傳以明世出至歐蘇家世譜韋鄭氏宗會尤重於合族敦宗其亦良史氏揭一統之遺法乎吾南氏有三宗英陽宜寧固城而宜固各

有譜英陽之宗又分爲二譜噫惟我三宗皆祖英毅公而以中世分貫之故未免因所封派譜己是史家之變例英派之同貫異譜此又變例中失例者也吾宗先父老用是慨然嘗欲合三宗爲一譜而未果者且將數百年歲戊午吾宗從兄景烈氏與宗丈範龜氏因始祖遺墟立碑事仍感百世之誼更申前議曰吾宗譜系之不修久矣三宗縱難遽合而吾兩派之迄未合譜實宗中大欠闕蓋謀所以合之以從春秋之法乎諗于衆而僉曰諾遂經營十年今始鐫刊於乎分系十數代散落諸州喜不慶憂不吊族不修而視路人者幾世而一朝因譜事合堂同席夙宵情話是固美事况煌煌新編首載英毅公而大匡密直中起計世兩派子姓逐行序列曾不知世代之遠派系之踈而宗庶族類咸歸一統一開卷油然有愛敬親睦之心程夫子所謂管人心厚風俗須是明譜系者詎不信歟此所謂譜有春秋之法而今日一統譜之所以作也譜

凡二十三編合之爲十一卷謹嚴書法雖或愧於史例而凡例中二三策竊有所取法焉會所則花府南興判書公墳庵主棧則正極氏漢龜氏而不佞亦與焉斷例旣成敢記顛末如右繼此而修譜者知今日普合之意而益廣之至於三宗合一則其爲一統之大又何如也重光協洽黃鍾月南至日後孫景運謹識

乙卯續譜識

吾南氏譜牒中間作者殆八九家至純廟庚午合而成大譜蓋宗中先父老辨昭穆之疑勸孝悌之道使一本之人同歸於親厚之義也噫旣作矣不以述之亦豈爲子孫繼志之道乎肆於壬子自伊山先祠發論申之於龜山宗會終之於古隱壇所不半稔而克竣大事其曰續編者乃從簡省費之意也夫以我英毅公後孫布濩嶺關歷幾千年而爲同譜又四十六年而成續編其所以襲前人之休光悼百世之親誼衍枝蕃實皆知爲一根所發則宜乎

諸賢之謁蹙同心汲汲若不及也事之始也宗人以余及有樛甫
推之主管之任余之老滄非其人也而粵惟我伯考囂囂公實相
前譜之役義有所不敢辭焉至於講定規例則公壽鍾崙氏諸宗
老也工既畢竊喜大事之利成略論前後纂續之由與夫追遠敦
睦之義以勗後之修是牒者歲乙卯六月下浣後孫履煥謹識
我南氏居東方粵自英毅公始中世分爲三貫曰英陽宜寧固城
而大匡公後孫密直公長派同貫英陽一本而二譜非普合之道
宗中先父老庸是慨然歲 純廟庚午吾先王考府君與豐山尹
谷諸宗耆德合謀繕修遂成英陽全譜其規模之大親誼之篤尤
有光焉距今四十餘年各家舊藏卷面如新上系昭載而世代稍
遷子孫益繁派屬行第恐失次序故復續前譜而輯成之爲編凡
十卷夫譜一家史也纂次繼述爲史家起例則今續譜其亦做是
焉會所則英陽道項洞英毅公壇祀歲奠之齋室也於焉合族於

昭先靈陟降而日監于茲展譜而英毅公在卷上萬子姓羅列於下疎族者因譜而情誼益厚遠裔者覽譜而追慕自生則譜之有補於世教豈淺乎哉當修譜之日履煥氏及不佞猥忝監任其始終宣勞實藉諸公幹事之誠也世系承襲分貫事實前人之述備矣無容復贅略叙纂輯之意如右云

上之六年乙卯四月清和節後孫有標謹識

跋

家而史譜書是也史有續例續譜亦一義也英陽譜凡三易刊而至純廟庚午哀而爲一統蓋先父老用意之勤規模之正儘傳世不刊之成書也噫修譜大事也今距庚午未甚遠世系未甚推遷亟繕大事不己重乎昔謝昌國倣韋氏宗會法作月一會爲言骨肉之意常相近夫譜所以合族也族久不合情固不屬與其俟全譜之刊而踰時遷就無寧嗣而輯之易爲功而於骨肉常相近

之意不亦事簡而情厚哉今 上壬子自伊山社首發是議甲寅
冬聚族于益陽之鼻祖壇下條定規畫越明年仲春始事于本齋
至七月日而功告訖得編十九合前譜爲二十一册譜以續也故
無弁文跋凡仍舊而略加追補焉於序今茲修譜之舉有三可幸
者一則昭統系於未遠也二則正倫序於方來也三則因是舉而
聚遠近凡平居之喜不慶憂不吊者今乃合堂聯席歡笑湛樂於
同祖密邇之所則追念其初一人之誼自不覺千載之爲遠而斯
譜之不可緩也尤審譜垂頒宗人以余廁與聞之列請識其事以
附後不揆僭猥謹叙顛末如此康午台譜後四十六年乙卯季夏
後孫公壽謹識

丁未譜序

我南氏有譜舊矣而譜家諸說不無異同若我禮賓卿諱奕一代
寔我近世先祖而譜氏未免左見於柳湜籍誇近做遠準擬倒置

至以禮賓卿子承敬三昆仲之派諉以無所承襲歸於別譜豈不
錯認謬戾之甚乎先君子慨然有意於修改而以爲此則極口分
疏難以曉得他雖欲別立文字亦轉見攪聒難解莫若尋討得箇
端的可据處庶有發明迺哀集諸家譜牒銘誌叅之以東國文史
鑽研勘覈積升有餘年別爲叙次且有論著先君子歿踰年諸宗
人爲永嘉鳳寺會譜說之難合有同柄鑿門弟濟明等相謂此不
可以口舌閑爭競本府必有舊藏文字就索得其證左然後乃可
以申哲吾叔父序次之意即赴其府亟呈請于主倅則府之舊藏
只現存成化籍一本其中載南敏生曾孫八俊柳湜曾孫之汀兩
家籍即謄寫以歸余竊案閱之旣乃惕而曰南柳兩籍迸出前後
於譜家不啻靈著大蔡豈非異事且今茲之籍藏在本府閱歲幾
百而惜乎其不幸而不借出於前早破譜氏者之疑也其亦幸而
得出於今日便正千古不定之譜系也噫前出兩籍而譜氏不察

反致疑於不疑之地此先君子所以有所論著力卞其非者也今
又出兩家子孫籍而各派譜系甚是了了正與先君子所嘗叙次
者不期而相符若有神相於其間者羣疑俱釋昔之難合者復合
而爲一噫先君子數十年寤寐斯譜之指意庶可得白於世也歎
諸宗人乃議以譜系得完爲八梓垂永計猥且系小說於其後使
譜家之爲子孫者亦有以知先君子用意之勤云後孫峻明謹識
丁未譜後

恭惟南氏肇發英陽自英而分而爲宜寧爲固城三派而鼻祖以
下代序不傳且多有疑於分派之際究厥所由曷不由譜牒之不
成哉宜寧之譜今已見行於世相國南公九萬以文章博雅作弁
卷文其考据先系必詳且盡矣今其文曰洪甫貫英陽君甫貫宜
寧匡甫貫固城此何以据焉謹按竹溪景質公安瑗誌其外舅麗
朝判書南暉珠文曰公英陽世家南君甫五世孫也君甫生公若

公若生政丞備備生典書星老星老生典書有孫是公之考也云

云又按英陽南公叅議敏生洪武庚午籍則敏生即判書暉珠之

帝十六年一與判書公壙記相符則宜南移貫必不在斯人從可

推矣今其宜譜中英陽君諱翼以下直系之曰子謙子淑孫子之

卓子奕奕之子曰鎮勇鎮勇之子曰洪甫君甫匡甫此又何所据

也謹按蔚珍前保勝郎將張仁淑永樂乙未籍則仁淑時年七十

己卯生與南曰外祖進士南三起本英陽父及第淑孫古名祖注

簿同正謙曾祖注簿同正洪輔外祖同正朴文珪本寧海云云又

按豐山製述科柳湜籍則柳籍朽則未記年月然以其曾孫之汀

也人曰外祖禮賓卿南奕本英陽父及第之卓祖及第淑孫曾祖奉

御同正謙云云又按鄙派九代祖司憲監察諱須墓表則監察公

亥曰父中郎將永蕃祖宗簿侍令判事承顧曾祖進士奕云云雖

其張柳兩籍有一世二世之稱左是固可疑然宜譜世系之未免

延島南氏世譜書

有誤據此三者足以徵之矣往在天啓壬戌永嘉宗人贈承旨

南公隆達始修英陽譜牒其四胤進士南公礎踵而成之欲合諸

派而成一譜其志誠且摯矣然而於柳湜籍考證不詳見其粧衣

朽敗年月不記遂疑其久遠自吾先祖大匡公諱洪輔諸譜牒皆稱大匡與

永樂帳籍不同下至禮賓卿奕柳湜籍直稱禮賓卿與監察公碣記不同依宜譜系于英陽君

之後而至以禮賓卿之子令慶殿錄事承敬及承顧兄弟謂之無

所承襲歸於別錄襲謬已久莫之能改豈不為子孫無窮之痛乎

肆惟我堂叔父尚主慨然有意於修改哀輯各派家牒墓誌叅以

東國文史鑽研勘劾積有年歲別為序次多所論卞而譜氏之惑

滋甚猶未得為釋疑考信之歸頃在乙酉秋濟明以門父老命赴

永嘉修譜之會譜說之難合有如前日濟明以為此難以口舌爭

也本府必有古籍之可為證左者乃就其府攷其籍舊藏之現存

者只是成化丙午籍一件而已其中載南敏生曾孫八凱八俊柳

湜曾孫之汀兩家籍兩籍既出然後衆惑始破英譜世系率遵堂叔父之所修改而鄙派別錄之議遂寢茲豈偶然而致哉越壬辰春承旨公曾孫標衡氏改正舊譜且議合刊濟明聞即馳往見之則卷首編次及凡例註解猶多鉅鍤其不可以合譜也明矣茲與吾派之散在列邑者謀別立譜於是乎以從叔父所嘗手錄者爲本稿更蒐前所未攷之帳籍墓誌及諸家各譜以資其參考質疑卞訛期得其實而後已至今年春會于仙槎同宗生員應昌所居之空舍始付以剞劂之役半載而工告訖功總之爲若干卷嗟乎譜氏之詳慎不亦難哉自始祖時世至于今九百有餘年自大匡時世至于今五百有餘年今我後孫之生于五六百年之下欲詳於五六百年之前亦已難矣今始譜也雖未能盡無遺失其亦幸而南柳兩家子孫籍出自吾先祖大匡以下之世系有能傳信而無疑前譜之訛謬將不待刪改而自正後裔之幸不亦大乎今以

往百世雲仍之中或有好子孫者出而考其同異定其取舍三派
爲一譜而大匡密直先之宜寧固城次之則本立而支達倫正而
紀明正有得乎程夫子所謂管人心收宗族之意而其於厚風俗
益朝廷也亦庶幾焉譜旣成謹記其顛末如右且以永樂成化三
家籍附于卷首以俟後考云爾

上之三年丁未七月日後孫濟明謹書

三年丁未即
英宗三年

逸序

壬辰刊後搜索
八錄乙酉追刊

英毅公本姓金名忠中原汝南人也唐天寶十四載以按廉使巡
遊邦國至于一域海水滄茫晚興乘舟遽遇潮風沿流不返艤船
于東國之南朝鮮王聞而奇之即命記事奏聞中原天子驚駭返
而下詔曰十生九死之臣不可以臣招之也宜從攸居之願故金
先祖云萬里水路二年行船櫛風沐雨身痿眼霧今此之還恐有
不幸况中原朝鮮一天之下也而莫非王土爰居爰處固所願也

惟我東方大王復命曰而自南而至賜姓曰南改名敏封英毅公
後孫恒年謹識

我南氏之東實始於唐天寶之世而皆以英毅公諱敏爲肇祖殆
九百有餘年矣內外雲仍之盛布濩一國一國之世家大族孰非
公之苗裔乎然而年代已遠世派無證迄今譜未得成也往年吾
宗兄前主簿慄氏偶得是牒於永陽尹叅議兢氏家袖而示慶薰
慶薰謹受而奉閱焉即傳寫一本其萬派之流千支之分顧何能
得書于此使歷代昭穆整而不紊信而有徵乎迺敢因是牒而有
不能無疑於心者私竊別爲一錄以俟後日博古之君子云爾
萬曆二十二年甲午正月上澣後孫慶薰謹識